

BULETINI JAVOR

15-19 JANAR 2024



Shprehja

"Kur funksionaliteti është gjithçka që ka rëndësi, siguria shpesh neglizhohet."

e javës

Përmbajtja:

- Rëndësia e Mbrojtjes së të Dhënave dhe Akreditimit me ISO 27701 në Shqipëri
- Inaugurimi i Njesisë Ushtarake të Sigurisë Kibernetike



Rëndësia e Mbrojtjes së të Dhënave dhe Akreditimit me ISO 27701 në Shqipëri

Shqipëria bën një hap më tej drejt forcimit të infrastrukturës së saj të sigurisë së informacionit me rritjen e ndërgjegjësimit dhe promovimin e certifikimit me ISO 27701, duke bërë bashkë në një takim gjithë aktorët përkatës. AKCESK si një kontributor i rëndësishëm i këtij procesi, mori pjesë në një nga panelet e takimit të organizuar nga Drejtoria e Përgjithshme e Akreditimit, mbështetur nga RisiAlbania, një projekt i Agjencisë Zvicerane për Zhvillim dhe Bashkëpunim dhe i zbatuar nga Helvetas Albania.

ISO 27701 është një standard i privatësisë së të dhënave që bazohet në ISO 27001, standardi ndërkombëtar më i përdorur për menaxhimin e sigurisë së informacionit. Certifikimi dhe Standardet, përveçse një kërkesë e BE-së, krijojnë mundësi për rritje, shërbime outsource apo eksporte – procese që do të krijojnë vende pune për të rinjtë shqiptarë.

Ky aktivitet erdhi si një përpjekje e përbashkët për të nxitur një mjedis më të sigurt dhe më të favorshëm për të gjithë palët e interesuara në ekosistem. Përdorimi i Standarteve ISO 27701 ndikon drejtëpërdrejtë në zhvillimin e biznesit me standarte ndërkombëtare, duke nxitur rritjen e sigurisë së informacionit dhe konkurrueshmerine e biznesit në tregun vendas dhe të huaj dhe duke i afruar kompanitë tona me tregun European.

Gjatë takimit u zhvilluan diskutime me ekspertë, të cilët përfaqësonin aktorë të rëndësishëm në tregun shqiptar. Panelistët, përfshirë Blerina Qazimin, Besa Stringën, Sokol Avxhiun, Saimir Kapllani, Alfons Muça, Nikolin Metaj dhe Raffaella Regni, ndanë njohuritë e tyre për temat kritike si nevoja për certifikime të akredituara për standardet 27701, 27017 dhe 2701.



Inaugurimi i Njesisë Ushtarake të Sigurisë Kibernetike

Një lajm i shumë i mirë në sferën e mbrojtjes kibernetike për Shqipërinë është hapja e Qendrës së Reagimit ndaj Sulmeve Kibernetike (CCARC) pranë Ministrisë së Mbrojtjes. Kjo qëndër u bë e mundur me mbështetjen e qeverisë amerikane dhe tregon se hedhim një hap më tej në thellimin e partneritetit strategjik, duke thelluar bashkëpunimin në rritjen e sigurisë në sistemet e informacionit.

Qendra e re do luaj një rol kyç në reagimin ndaj sulmeve kibernetike kundër infrastrukturës së teknologjisë së informacionit në fushën e mbrojtjes dhe do i shërbejë rritjes së nivelit të sigurisë kibernetike në vend.

AKCESK, si Autoritet përgjegjës për infrastrukturën civile të informacionit, është në bashkëpunim të vazhdueshëm me Ministrinë e Mbrojtjes në kuadër të rritjes së nivelit të sigurisë kibernetike në Shqipëri.



BULETINI JAVOR

15-19 JANAR 2024



Shprehja

"Kur funksionaliteti është gjithçka që ka rëndësi, siguria shpesh neglizhohet."

e javës

Përmbajtja:

- Mbi 178 firewalls të cënueshëm ndaj sulmeve DoS
- LockBit Ransomware shton dy viktime të reja në Dark Web
- Një vulnerabilitet në browserin Opera mund t'i lejojë hakerët të ekzekutojnë çdo skedar në sistemet Mac ose Windows
- Google - patching alert




Over 178 firewalls vulnerable to DoS attacks

Security researchers have discovered that more than 178,000 SonicWall next-generation firewalls (NGFW) are vulnerable to denial-of-service (DoS) attacks and possible remote code execution (RCE) attacks.

Administrators are advised to ensure that the SonicWall appliance management interface is not exposed online and to upgrade to the latest firmware versions as soon as possible.

[Read more](#)



A vulnerability in the Opera browser could allow hackers to execute any file on Mac or Windows systems

Studiuesit e sigurisë kibernetike kanë zbuluar një vulnerabilitet sigurie të identifikuar si "MyFlow" në web-browserin Opera, i cili mund të shfrytëzohet për të ekzekutuar çdo skedar në sistemin operativ.

Ky vulnerabilitet i cili është zbuluar nga ekipi hulumtues i *Guardio Labs*, bën të mundur sinkronizimin e mesazheve dhe skedarëve midis pajisjeve celulare dhe desktopit. Opera ka njoftuar se ka vepruar shpejt për të rregulluar këtë vulnerabilitet dhe se po merr hapa për të parandaluar që çështje të tilla të ndodhin përsëri.

[Link: Lexo më shumë](#)



LockBit Ransomware shton dy viktime të reja në Dark Web

Grupi ransomware LockBit ka shtuar dy viktime të reja në listën e tij - Maisons de l'Avenir në Francë dhe Shinwa Co në Japoni. Aktorët e kërcënimit kanë dhënë një afat të rreptë për kërkesat e tyre, të caktuar në 4 shkurt 2024.

Nëse vërtetohen pretendimet për sulmin kibernetik të Maisons de l'Avenir dhe Shinwa Co, pasojat e këtij sulmi mund të jenë të mëdha.

Deri më tani, nuk ka asnjë deklaratë apo përgjigje zyrtare nga kompanitë e synuara

[Link: Lexo më shumë](#)

PATCHING ALERT



Google - patching alert

Google ka publikuar përditësimet për të rregulluar 4 vulnerabilitete sigurie në shfletuesin e tij Chrome, duke përfshirë një vulnerabilitet të tipit zero-day të shfrytëzuar në mënyrë aktive.

Përdoruesve u rekomandohet të përmirësojnë versionin 120.0.6099.224/225 të Chrome për Windows, 120.0.6099.234 për macOS dhe 120.0.6099.224 për Linux për të zbutur kërcënimet e mundshme.

[Link: Lexo më shumë](#)